

khatduh, hadien ka jingiaid lynti kaba jngai, u la iohi ia ka iing u kpa jong u naduh na jngai. U la iaïd kham suki ha ka lynti.

Kyndit kynsan, u la iohsngew ia ka jingpyrta. U kpa jong u, uba ju long uba jai jai bad don burom eh, u la mareh shabar na la ka iing. U la wan mareh sha u Pratap bad kdup sbak ia u. U Pratap u sngew kumba ka dohnud jong u kan pait.

“Ko pa,” u la ong hapdeng ki ummat, “nga la leh pop pyrshah ia phi bad pyrshah ia U Blei. Ngam don hok shuh ban long u khun jong phi. . .”

U kpa pat ikumba u khlem iohsngew wat tang shikyntien ruh. Ki ummat ki tuid na ki khmat jong u. Ki shakri shakor ha ka iing ki la iohsngew ia kaba la jia bad ki la wan shata.

“Pynkloi!” U kpa u la hukum ia ki. “Khreh ka kamra jong u! Wanlam ki jaiñ bathymmai na ka bynta jong u! To pynkhreh ka jingkhawai, namar ngin leh kmen lang baroh! Une u long u khun jong nga—u la iap bad u la im pat; u la jah bad mynta la shem pat ia u!”

### Kaba Ioh ia ka Jingmap

Kane ka long ka jingiathukkhana kaba la shim na ka pharshi ia kaba la iaathuh da U Trai Jisu Khrist ban batai kumno ngi lah ban ioh jingmap na U Blei Nongthaw jong ngi. Haba

ngi la leh bakla ha ka jingim—wat ki jingbakla ba khraw ruh—ngi lah ban phai sha U Blei kumba u Pratap u la phai sha la u kpa jong u. Ngim donkam ban ai jingkñia ba har rukom ne leh ki kam thamula. U Blei U ap ia ngi da ki kti ba la kner jong u. Ka long ka jingkylla jong ka dohnud ia kaba U kheiñ kor tam. Ngì dei ban phla da ka jingsngewrit ia ki pop jong ngi bad ruh ban sngewsih shisha namar kita ki pop, bad pan ruh ia ka jingmab. Hato phi kwah ban ioh mad ia ka kambah jong ka jingmab ei U Blei? Phi lah ban long uba khuid mynta, mynta hi, na baroh kita ki kam sniew kiba phi la ju leh. Phi lah ban duwai kumne:


*A Blei, nga sngewsih shisha ia baroh ki pop jong nga. Sngewbha mab ia nga bad pynkhuid ia nga na baroh ki jinglong bym-khuid namar ka jingkheiñduh bakhrav jong U Trai Jisu Uba long U Khrist. Pynlong ia nga u briew uba thymmai. Amen.*

Lada phi kwah ban tip kham bniah shaphang ki jinghikai U Trai Jisu, sngewbha peit ia ki phone number sha dien jong kane ka kot bad sa phone sha ngi

Copyright © 2023 by Sharing Hope Publications. Lah ban shon bad iasam ia ki kam na ka bynta ki jingthmu ki bym dei na ka bynta ka kam khaii khlem jingbit.



*Jingpule shuh shuh*



Scan ia u QR code ban tip kham bniah.



# Kaba Ioh ia ka Jingmap

**U** Pratap u long u khun jong u jamindar bariewspah. Ki sah ha ka iing kaba heh bad ki don bun ki shakri. U Pratap u ju don ki jaiñ kiba bha tam, ka jingbam bapahuh, bad ruh ka jingnang jingstad—u tip ba ki kmie ki kpa jong u ki ieid eh ia u, khamtam u kpa jong u.

Hynrei katba u Pratap u dang heh dang san, u la sdang ban kylla. Ìa ki jinglong barim baroh um sngewtynnad shuh. Ka iing u kpa bad ki rukom long u kpa ki la sdang ban sngewpyrkhing ia u. U Pratap u thrang ban ioh laitluid.

Ha kawei ka sngi, u Pratap u la kyrpad ia la ka kmie ban leit rah kawei ka jingkyrpad ba kyrpang sha u kpa jong u. Haba u la iathuh ha ka, ia kaei kaba u kwah, ka la kynran dien da ka jingsngewtriem. Hynrei u la ìai kyrpad ia ka haduh ba kan da kular ban kylli. Ka la shim por katto katne sngi, hynrei ha kaba kut ka la wan phai, da ka jingiam bad jingsngewsih.

“Un sa leh ia kane,” ka la ong, khlem da lah shah shuh ban peit ia la u khun. “Un sa die shiteng na ka jingdon jingem jong ngi baroh bad un ai noh ia ka jingioh pateng jong phi. Hynrei balei, ko khun? Balei?”

U Pratap u sngewbabe khyndiat, hynrei u sngewtynnad ruh kumjuh. Ki jingthmu jong u ki la treikam. Un sa ioh ia ka bhah jong u na

ka pisa u kpa khnang ba un lah ban im katba u mon.

### **Ka jingim phathar awria**

U Pratap u la leit noh sha ka nongbah kaba kham heh. U la wai ka iingsah ba rem dor bad u la sdang ban ioh bun ki paralok thymmai. Shen u la pynlong ki jingkhawai kiba pynshoh bieit bad khring ia ki riewspah bad ki riewpawnam. U la thied ki kali, thiah bad ki kynthei bhabriew, bad bam ki jingbam rem dor. U la ioh baroh kat kaba u kwah.

Hynrei ha kawei ka sngi, ki pisa jong u Pratap ki la sdang lut. Da ka jinglehraiñ, u la pan pisa kylliang na ki paralok thymmai jong u, hynrei kyndit kynsan ki khlem jubab ne kren shuh ia u. Um lah shuh ban siew ia ki ram ki shah. Ha kaba khatduh, u trai iing u la pynmih noh ia u na ka ing sah. Khlem pisa bad khlem paralok, shano un leit?

U Pratap u la shu ìaid lamwir hapoh ka nongbah, klumar bad khuslai ki jingmut jingpyrkhat. Haba ka sngi ka sep bad la sdang ban dum, la wan ka jingsheptieng. Hangno un thiah? Kaei un bam? Ha ka sien banyngkong ka jingim jong u, u Pratap u la hap ban thiah ha surok, ka kpoh jong u ka kynruh da ka jingthngan.

**Haba ngi la leh bakla ha ka jingim—wat ki jingbakla ba khraw ruh—ngi lah ban phai sha U Blei. Ngim donkam ban ai jingknia ba har rukom ne leh ki kam thamula. U Blei U ap ia ngi da ki kti ba la kner jong u.**

### **La wan ka jingbabe**

Ha ki khyndiat sngi kiba bud, u Pratap u la pyrshang wad kam hapoh kata ka nongbah. U la ijot bad jaboh rathai namar ba u thiah ha surok, te kumta ym don uwei ruh u ban ai kam ia u, lait noh tang uwei u nongpeit ia kawei ka jaka bam ba tad dor. U Pratap u la trei da ki kynta hangta, ban rah jingbam sha ki nongbam bad ñiad pynkhuid ia ki miej. U la sngewthngan eh bad thait haduh katta katta. U la pyrkhat kumno ka lah ban long ba ma u, u khun jong u riewspah un hap ban sam jingbam! Haba u nongbam uba khatduh u la mih noh na ka jaka bam, u la leit sha ka jaka shet ban iarap

sait ki tiar. U la iohi ia ki pliang hajan ka jaka bret jingbam lem bad u atta ba la iehnoh noh shiteng. U la sngewthngan haduh katta katta ba u la jan shim ia uta u jingbam ba la bret.

Kaei kaba jia ia nga? U la kren bitar ia lade. Wat ki shakri ha iing u kpa jong nga ki don shibun ki atta ban bam pura, bad dang tam ruh. Bad ma nga hangne, nga kwah bam ia kine ki jingbam basah tam jong kiwei!

U la peit seh hajuh ia kita ki tiar ban sait bad u la pyrkhat shi slem bha.

Nga tip kumno ngan leh, u la pyrkhat. Ngan leit phai pat sha i pa bad ngan ong ha u, “Ko pa, nga la leh pop pyrshah ia phi bad pyrshah ia U Blei. Ngam don hok shuh ban long u khun jong me. Sngewbha pynlong ia nga tang kum uwei na ki shakri jong me.”

Khlem da pyndep sait wat tang kawei ruh ka tiar, u Pratap u la ieh ia kata ka jaka bam bad u la sdang ia ka lynti iaid sha la iing.

### **Ka jingwanphai sha la iing**

U Pratap u la don shibun ki jingpyrkhat katba u dang ìaid sha iing. Kumno u kpa jong u un leh ne ong haba un da iohi ia u? U la ìai ban biang bun sien ia kaei kaba un ong ynda la poi iing, hynrei kata kam wanrah jingsuk ha ki jingmut jingpyrkhat jong u. Ha kaba